

FPP BizNewz

June - November 2022

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

Endometriosis

Sejauh Mana Kesedaran Anda?

Personal Shopper

What You Need To Know

Sustainable Packaging in eCommerce

A Few Solutions to Protect the Planet

Type text here

How To Teach Your Children To Pack Their Backpacks For Travel? An Easy Guide

A Short Vacay in Hat Yai

My Sister, My Best Friend

Kredit Mikro di Malaysia

H0BI



Publication Date
8 November 2022

Photo by Matt Chambers on Unsplash

APLIKASI NISBAH PE DALAM PENILAIAN SYARIKAT

A'tiqah Rashidah Abu Samah, Roseziahazni Abdul Ghani, Nur Aqilah Mohamad Nasruddin & Zuraida Mohamad

Fakulti Pengurusan dan Perniagaan, UiTM Cawangan Terengganu

Emel: atiqah@uitm.edu.my (Corresponding Author)

Salah satu nisbah pasaran kewangan yang dirujuk oleh para pelabur dalam pelaburan saham yang didagangkan di pasaran saham seluruh dunia ialah nisbah PE. Nisbah PE merupakan nisbah pasaran kewangan yang kerap dirujuk oleh para pelabur individu dan institusi untuk menilai harga saham, semasa membuat keputusan jual beli.

Para pelabur dapat mengenalpasti sama ada saham-saham yang sedang didagangkan itu berada pada harga yang terlebih atau terkurang nilai daripada harga sepatutnya. Kebiasaannya apa yang dilakukan oleh para pelabur ialah membandingkan nisbah PE saham-saham

dalam industri yang sama. Perbandingan pada asas yang sama ini membolehkan para pelabur memilih saham yang menguntungkan untuk portfolio pelaburan mereka.

Untuk mengira nisbah PE tidaklah sukar. P merujuk kepada harga saham (Price) di pasaran. E pula merujuk kepada pendapatan sesaham (EPS). Nisbah PE dikira dengan membahagikan harga saham dengan pendapatan sesaham. Satu kaedah lagi dengan membahagikan Permodalan Pasaran (Market Capitalization) dengan pendapatan bersih (Net Income) syarikat. Nisbah PE ini adalah nilai relatif antara harga dan pendapatan sesaham.

Nisbah PE sesuatu saham ini

kemudiannya dibandingkan dengan PE saham-saham lain dalam industri yang sama atau dibandingkan dengan nisbah PE tempoh terdahulu saham-saham terbabit. Perbandingan ini akan menjadi panduan untuk menyatakan sama ada nisbah PE ini rendah atau tinggi. Contohnya membandingkan nisbah PE saham-saham dari industri minyak dan gas seperti PCHEM, PETGAS, DIALOG, HIBISCUS, HENGYUAN, PETRONM dan sebagainya. Melalui perbandingan ini para pelabur dapat mengenalpasti syarikat mana yang menguntungkan dan mengetuai pasaran dalam industri tersebut dan sebaliknya.

Nisbah PE memberitahu sama ada saham yang

sedang dinilai murah atau mahal. Contohnya nisbah PE bagi Saham ABC adalah 8x, ini bermaksud harga saham ABC adalah 8 kali ganda daripada pendapatannya. Jika diaplikasi dalam pasaran bermaksud jika pelabur membeli saham ABC pada harga RM8 maka ia mendapat pulangan RM1.

Jika saham yang sedang dinilai mempunyai nisbah PE yang rendah sebagai saham di bawah nilai atau murah. Bagaimanapun nilai PE yang rendah ini tidak semestinya menjadi pilihan yang disukai oleh para pelabur. Ada beberapa pertimbangan yang perlu dilakukan untuk memilih pelaburan saham bernilai PE rendah. Selain mengandaikan saham tersebut murah, nilai PE rendah mungkin memberi petunjuk bahawa syarikat ini mempunyai pertumbuhan (growth) yang rendah. Ini memberi petunjuk yang kurang memberansangkan. Walau bagaimanapun, jika nisbah PE yang rendah, akan tetapi wujud pelaburan atau projek baharu yang berpotensi memberikan pulangan pendapatan yang baik pada masa hadapan, maka saham tersebut akan menarik perhatian para pelabur. Prospek baru boleh diambilkira untuk mengunjurkan PE terkini pada masa hadapan untuk mendapatkan harga wajar yang sepatutnya.

Nisbah PE yang tinggi

pula memberi petunjuk bahawa saham berkaitan didagangkan pada harga yang tinggi berbanding pendapatan yang dihasilkan iaitu mahal. Keadaan ini boleh terjadi bila saham tersebut sedang berada pada tahap pertumbuhan yang tinggi. Pada tahap ini, saham-saham tersebut diramal akan memperoleh pendapatan atau keuntungan bersih yang tinggi. Para pelabur berminat melabur dalam saham-saham ini walaupun nilai nisbah PE tinggi kerana mereka yakin saham-saham sebegini berpotensi untuk terus maju dan memberikan pulangan yang lumayan pada masa hadapan.

Walaupun bagaimanapun, sekiranya jangkaan ini salah dan keputusan kewangan menunjukkan pendapatan di bawah jangkaan, terdapat kemungkinan bahawa harga saham akan jatuh semula mengikut sentimen pasaran. Pelabur akan menilai semula sentimen positif mereka kepada pandangan yang lebih realistik.

Nilai nisbah PE berubah mengikut harga semasa saham dan EPS. Semua elemen ini akan berubah mengikut keputusan kewangan syarikat sama ada secara setiap suku tahunan atau tahunan. Jika pendapatan bersih merosot atau rugi, harga sesaham akan jatuh dan menyebabkan syarikat

menjadi kurang menarik. Sebaliknya, jika pendapatan bersih meningkat, para pelabur akan menunjukkan minat serta membeli saham tersebut di pasaran menyebabkan harga sesaham pasaran akan naik.

Kesimpulannya, para pelabur lazimnya menggunakan nisbah PE untuk menganalisa dan mengenalpasti saham-saham yang berpotensi. Semakin tinggi nisbah PE, maka semakin tinggi nilai saham tersebut. Ramai pelabur lebih berminat kepada nisbah PE yang lebih rendah, yang mungkin bermakna saham itu dinilai rendah atau murah dan berpotensi memberi pulangan yang lebih tinggi pada masa hadapan untuk setiap ringgit yang dilaburkan dalam syarikat.

Rujukan

Jakpar, S., Tinggi, M., Tak, A. H., & Chong, W. Y. (2018). Fundamental analysis vs technical analysis: The comparison of two analysis in Malaysia stock market. *UNIMAS Review of Accounting and Finance*, 2(1). <https://doi.org/10.33736/uraf.1208.2018>

Fernando, J. (2022). P/E Ratio - Price-to-Earnings Ratio Formula, Meaning, and Examples. *Investopedia*. <https://www.investopedia.com/terms/p/price-earningsratio.asp>



BizNewz 2022
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com